

Ո Ր Ո Շ ՈՒ Մ

Ճանապարհային ոստիկանության վարչական տույժ նշանակելու մասին 14.08.2020թ. թիվ 2011472846 որոշումն անփոփոխ, իսկ վարչական բողոքն առանց բավարարման թողնելու մասին

<<18>> 09 2020թ. 7-13- 11483

ք.Երևան

Ճանապարհային ոստիկանության պետ, ոստիկանության գնդապետ Ե.Կարապետյանս, վերանայելով Ալբերտ Խաչատուրյանի ՄԴ/123518-20 դիմումի քննարկման արդյունքում ստեղծված նյութերը՝

Պ Ա Ր Զ Ե Ց Ի

Երևան քաղաքի Մալաթիա-Սեբաստիա վարչական շրջանի Սվաճյան փողոցի 18-րդ շենքի 39-րդ բնակարանի բնակիչ Ալբերտ Խաչատուրյանը դիմումով խնդրել է վերանայել Ճանապարհային ոստիկանության վարչական տույժ նշանակելու մասին թիվ 2011472846 որոշումը՝ նշելով, որ նշված վայրում կայանել է մի քանի վայրկյանով ուղևոր նստեցնելու նպատակով, միաժամանակ խնդրել է կրկին անգամ վերանայել թիվ 2011225524 և 2011222076 որոշումները որոնք նախկինում իր կողմից բողոքարկվել են և որոնց պատասխանը իրեն չի գոհացրել:

Դիմումի քննարկման արդյունքում պարզվել է, որ դիմումատուի փաստարկը չի կարող վարչական ակտերը բեկանելու հիմք հանդիսանալ հետևյալ պատճառաբանությամբ.

<<Տեսանկարահանող և լուսանկարահանող սարքերով հայտնաբերված ճանապարհային երթևեկության կանոնների խախտումների վերաբերյալ գործերով իրականացվող վարչական վարույթի առանձնահատկությունների մասին>> օրենքի 3-րդ հոդվածի 1-ին մասի համաձայն՝ վարչական վարույթի իրավախախտման հատկանիշների պարզման փուլում իրավախախտումը հիմնավորող ապացույցը իրավախախտումն ամրագրած տեսանյութն է կամ լուսանկարը, որը պարունակում է նաև տեխնիկական միջոցով արձանագրված տվյալները: Ըստ նույն հոդվածի 2-րդ մասի՝ որպես իրավախախտումը հիմնավորող ապացույց վարչական կամ դատական կարգով բողոքարկման վարույթում կարող են օգտագործվել Վարչական իրավախախտումների վերաբերյալ Հայաստանի Հանրապետության օրենսգրքի 251-րդ հոդվածով նախատեսված ապացույցները:

<<Կառավարության <<Ճանապարհային երթևեկության կանոնները և տրանսպորտային միջոցների շահագործումն արգելող անսարքությունների ու պայմանների ցանկը հաստատելու մասին>> 28.06.2007թ. թիվ 955-Ն որոշման 80-րդ կետի համաձայն՝ տրանսպորտային միջոցը տեղակայել թույլատրվում է երթևեկելի մասի եզրին զուգահեռ մեկ շարքով՝ բացառությամբ այն տեղերի /երթևեկելի մասի տեղային լայնացում/, որտեղ գծանշմամբ թույլատրված են տրանսպորտային միջոցների դասավորման այլ ձևեր:

Իրավախախտումն ամրագրած տեսանյութը փաստում է, որ դիմումատուին պատկանող <<NISSAN>> մակնիշի 09AX077 հաշվառման համարանիշի տրանսպորտային միջոցը 20.07.2020թ. ժամը 14:54:13-րդ վայրկյանից 14:55:14-րդ վայրկյանը 61 վայրկյան տևողությամբ տեղակայված է Երևան քաղաքի Միեր Մկրտչյան-Խորենացի փողոցների խաչմերուկի հատվածում երթևեկելի մասի երկրորդ շարքում, իսկ Վարչական իրավախախտումների վերաբերյալ ՀՀ օրենսգրքի 124-րդ հոդվածի 39-րդ մասի համաձայն՝ սույն հոդվածի 21-րդ և 25-րդ մասերով (միայն կանգառ կատարելու մասով) նախատեսված վարչական իրավախախտումն ունի նվազ նշանակություն այն դեպքում, երբ կանգառը կատարվել է միայն ուղևորների նստելու կամ իջնելու նպատակով, **չի գերազանցել մեկ րոպե ժամանակահատվածը**, և դրա հետևանքով երթևեկության մյուս մասնակիցների համար խոչընդոտ կամ վթարային իրադրություն առաջացնելու ակնհայտ վտանգ չի ստեղծվել, հետևաբար առկա չէ իրավական որևէ հիմք

դիմումատուի արարքը նվազ նշանակություն ունեցող գնահատելու համար: Տեսանյութը փաստում է նաև, որ դիմումատուն տեղակայելով տրանսպորտային միջոցը երկրորդ շարքում խոչընդոտ է հանդիսացել երթևեկության այլ մասնակիցներին:

Ինչ վերաբերվում է թիվ 2011225524 և 2011222076 որոշումներին, ապա դրանց հիմքի և առարկայի վերաբերյալ գոյություն ունի Ճանապարհային ոստիկանության կողմից ընդունված և ուժի մեջ մտած վարչական ակտ՝ <<Ճանապարհային ոստիկանության վարչական տույժ նշանակելու մասին թիվ 2011225524 և 2011222076 որոշումներն անփոփոխ, իսկ վարչական բողոքն առանց բավարարման թողնելու մասին 21.07.2020թ. թիվ 7-13-8201 որոշումը, որը կայացվել է ճիշտ վարչարարության արդյունքում, ուստի <<Վարչարարության հիմունքների և վարչական վարույթի մասին>> օրենքի 50-րդ հոդվածի 1-ին մասի <<գ>> կետի համաձայն, Ձեր դիմումը քննարկման ենթակա չէ:

Ելնելով վերոգրյալից և ղեկավարվելով Վարչական իրավախախտումների վերաբերյալ << օրենսգրքի 293-րդ հոդվածի 1-ին մասի 1-ին կետով՝

Ո Ր Ո Շ Ե Ց Ի

1. Ճանապարհային ոստիկանության վարչական տույժ նշանակելու մասին 14.08.2020թ. թիվ 2011472846 որոշումը թողնել անփոփոխ, իսկ վարչական բողոքն առանց բավարարման:
2. Սույն որոշումն ուժի մեջ է մտնում հանձնելու օրվան հաջորդող օրը և կարող է բողոքարկվել << վարչական դատարան՝ օրենքով սահմանված կարգով և ժամկետներում:
3. Սույն որոշման օրինակն ուղարկել Ալբերտ Խաչատուրյանին:



Ե. Կարապետյան

Կատարող՝ Է. Հովհաննիսյան
Հեռ. 011544783